

3.12. Itxaropen bioartifizial apur bat

Guillermo Roa Zubia

Elhuyar aldizkariko erredaktore eta

Euskadi Irratiko Norteko ferrokarrila saioko aurkezlea

g.roa@elhuyar.eus

20-30 minutu inguruko hitzaldi bat emango dut nire eskamentu pertsonala oinarri hartuta.

2013 urtea berri on batekin hasi zen niretzat: Tecnalia kazetaritza saria emango zidatela interneteko atalean, “Itxaropen bioartifiziala” artikuluarenengatik. Sari handia da dibulgazioan, estatu mailakoa, eta pozik jaso nuen. Bertan aztertzen nuen nola zegoen zelula amen erabilera organo berriak sortzeko; oso hasieratan ginen, eta oro har gaia ez zegoen oso garatuta, baina bazeuden lorpen gutxi batzuk. Kontua da gerora jakin genuela ustezko lorpen horietako bat, Paolo Machiarini italiarraren lana, iruzurra zela. Nik Machiarini elkarritzetatu nuen, eta pozik, gainera. Beraz, gaizki aukeratu duzue hizlaria aurtengo osasun-biltzarra ixteko: jaso dudan saririk handiena iruzur bat zabaltzeko lan batengatik eman zidaten. Kasu hori kontatuko dizuet, eta, horrekin batera, nire eta medikuntzaren dibulgazioaren arteko harremanaz hitz egingo du

Nire dibulgatzale-ibilbidearen zati handi bat irratian egin dut. Guztira 15 urte eman ditut astero mikro baten aurrean, zientziaz hitz egiten, eta gustatuko litzaidake gogoeta bat egitea irratia eta medikuntzaren dibulgazioari lotuta. EHuko Udako ikastaroetan, SER kateko ikastaro batean izan nin-tzen, eta bertan aukera txiki bat izan nuen irratia horretako komunikatziale handiengandik ikasteko. Halako batean, galdetu zuten zerbaiteen falta ote genuen irratian, eta neure burua aurkeztuta, esan nien zientzia gutxi zegoela irratian. Haien erantzunean argi utzi zuten “zientzia” hitza esaten denean, haien “medikuntzarekin” identifikatzen zutela. Gogoetarako oso gai aproposa da, dibulgatzale baten ikuspuntutik, behintzat.

Bukatzeko, irratiaz, dibulgazioaz eta osasunaren arloaz hitz egingo dut Norteko Ferrokarrilla irratia-egindako “Haurdun gaude” atala gogoratzeko. Denboraldi oso batek 42 saio inguru izaten ditu irratian, eta haurdunaldi bat 40 astekoa da, gutxi gorabehera. Beraz, haurdunaldi fikziozko baten jarraipena egin genuen astez aste antenan. Baino beti sortzen dira arazoak.